

Жаннатдаги нарсаларнинг бирортаси бу дунёникига ўхшамайди | Тазкия дарслари (351-дарс)

ТАЗКИЯ
351-ДАРС

Шайх Муҳаммад Содиқ Муҳаммад Юсуф роҳимахуллоҳнинг «Тасаввуф ҳақида тасаввур», «Рухий тарбия» 1-2-3-жузи ва «Хислатли ҳикматлар шарҳи» 1-2-3-4-5-жузи китоблари асосида бериб борилади. Мавзуларнинг тўлиқ матни билан танишиш учун китобнинг ўзига мурожаат этиш тавсия этилади.



19:00 / 01.11.2025 1025

Улуғ саҳобий Абдуллоҳ Ибн Аббос розияллоҳу анҳумо:

«Жаннатдаги нарсаларнинг бирортаси бу дунёникига ўхшамайди, фақат исми ўхшаши мумкин», деганлар.

«...уларга у ерда покиза жуфтлар бор...»

Ҳар жиҳатдан покиза жуфтлар бордир. Чунки жаннат ҳурлари алоҳида яратилгандир. Ушбу неъматларнинг лаззати ва ҳузурбахшлигининг зиёдалиги уларнинг бардавомлигида ҳамдир. Шунинг учун ҳам оятда айтилганидек,

«...улар у ерда мангу қолувчидирлар».

Мўмин ва солиҳ бандалари ҳақида Аллоҳ таоло яна бундай марҳамат қилади:

مُؤْمِنٌ وَهُوَ أَنْتَىٰ أَوْ ذَكَرٍ مِّنْ صَالِحًا عَمِلَ مِّنْ

مَا بِأَحْسَنِ أَجْرِهِمْ وَلَنَجْزِيَنَّهُمْ^ص طَيِّبَةً حَيَوَةً فَلَنُحْيِيَنَّهُ

يَعْمَلُونَ كَانُوا ٩٧

«Эркакми, аёлми, ким мўмин бўлган ҳолида солиҳ амал қилса, уни пок, гўзал ҳаёт кечиртирамиз ва албатта, уларни қилиб юрган амалларининг энг гўзали баробарида ажр ила мукофотлармиз»
(Наҳл сураси, 97-оят).

Исломда инсон жинсига қараб мукофотланмайди. Насабига, мансаби ёки терисининг рангига қараб ҳам мукофотланмайди. Балки мукофотлашнинг бирдан-бир ўлчови – иймон ва солиҳ амалдир.

«Эркакми, аёлми, ким мўмин бўлган ҳолида солиҳ амал қилса...»

Бир хил ишни эркак киши қилса, алоҳида мукофот, худди ўша ишни аёл киши қилса, унга эркакнинг мукофотидан озроқ мукофот бериш Исломда йўқ. Аллоҳ таолонинг ҳузурида ҳамма бандалар баробардир.

Исломни яхши тушунмайдиган баъзи кишилар ўйлаганидек, мўмин одам солиҳ амални фақат охират учун қилмайди. Балки иймонли кишининг солиҳ амали ўз фойдасини дастлаб бу дунёда кўрсатади.

«...ким мўмин бўлган ҳолида солиҳ амал қилса, уни пок, гўзал ҳаёт кечиртирамиз...»

Зотан, иймон тақозоси ила қилинадиган солиҳ амалларнинг барчаси бу дунёда яхши ҳаёт кечиришни таъминловчи воситадир. Албатта, мўмин киши учун солиҳ амалининг ҳақиқий мукофоти охиратда бўлади. Охиратда:

«...албатта, уларни қилиб юрган амалларининг энг гўзали баробарида ажр ила мукофотлармиз».

???? ?????? ???? ??????? ?????? ?????? ?????? ??????:
????? ??????? ?????? ?????? ?????? ???????
?????????: «????? ?????? ??? ?????????? ??????????????
????????? ?????????? ?????????????? ??? ??????????????
????????????? ?????????????? ?????????????? ??????????
????????????? ?????????????? ?????????????? ???
????????????? ??????? ?????? ?????? ?????????? ??????
????????????? ?????? ?????????? ?????? ?????? ??????????
????????? ?????? ??????????» . ?????????? ??????????.

Анас ибн Молик розияллоҳу анҳудан ривоят қилинади:

«Расулуллоҳ соллаллоҳу алайҳи васаллам:

«Албатта, Аллоҳ мўминга зулм қилмайди. Унга ҳар бир солиҳ амали учун бу дунёда бир нарса ато этилади. Охиратда эса савоб берилади.

**Аммо кофирга яхшиликларининг эвазини бу дунёда беради.
Охиратга борганда эса хайрга арзигулик яхшилиги қолмайди»,
дедилар».**

Аҳмад ривоят қилган.

Иймонли солиҳ бандалари учун Аллоҳ таолонинг ажру мукофотлари беқиёс улуғдир. Зотан, Аллоҳ таолонинг Ўзи шундай марҳамат қилади:

لَهُمْ سَيِّجَعُلُ الصَّالِحَاتِ وَعَمِلُوا ءَامَنُوا الَّذِينَ إِنَّ

وَدَّ الرَّحْمَنُ ٩٦

«Албатта, иймон келтирган ва яхши амалларни қилганларга Роҳман муҳаббат пайдо қилур» (Марям сураси, 96-оят).

Демак, иймон келтирган ва солиҳ амалларни қилганлар Аллоҳ таолонинг муҳаббатига сазовор бўладилар. Албатта, бу энг олий, улуғ мукофотдир.

«Руҳий тарбия» китобининг 2-жузи асосида тайёрланди

Ушбу китоб Ўзбекистон Республикаси Дин ишлари бўйича қўмитанинг 2021 йил 14 апрелдаги 03-07/2439-рақамли хулосаси асосида чоп этилган.